

## Transkription von Stadtbucheintrag HGW 1384b

Ort, Datierung: Greifswald, 1384-??-??

Signatur: Stadtarchiv Hansestadt Greifswald, Rep. 3 Nr. 15; 147v [\[online\]](#)

Inhalt: Rat der Stadt Greifswald: Ausgleichszahlung durch zwei Bürger

Bemerkung: Eintrag ohne Jahresdatum; Seitendatum ist 1384

---

Weten schalme dat wy raatma(n)ne der stad tũ deme g(ri)pes(wolde) hebben eendregghen v̄mme dat zold / thũ zedende myd hans pa(n)nensmede vnde brũn zũltemester van odeslo Jn der wys alzo / hir na ghe screue(n) stejȝd Thũ deme irsten vyftȝch m(ar)k schole wy en lȝen thu twen / hũzen tũ buwende vnde de hũs scholen ze zũlue(n) buwen de wonhus scholen ze zũlue(n) buwe(n) / de pa(n)nenscholen ze zũluen thũghen de vũrynghe scholen ze zũlue(n) thũghen vnde scholen / de vũrynghe nerne halen vnde halen laten hir v̄mme lank tũ lande edder tũ . wat(er)e dar / dar ze vzen borgh(er)en schaden deȝt vnde teyn Jar hebben ze hũred tũ zedene dar / vore scholen ze jslykes jares gheue(n) vor islyke pa(n)ne . xij pũnt soltes alzo tũ islyker qua=/(r)temp(er)e iij punt van der pa(n)nen dar mede scholen se vryg wezen van aller vnplycht / Vnde na der tyd wan ze beghinnen tũ zedende so schole wy ze vordedinghen vor vze bor=/gh(er)e hebben ouer vore twedracht had dar ane wylle wy ze nȝcht vordedyngghen vnde an desme iare so scholen ze dat bevaren vnde beghy(n)nen tũ zedende tũschen pynksten vn(de) / paschen neghest tũ kome(n)de vn(de) de l . m(ar)k scholen ze vore wyssen alzo dat ze dar mede / buwen vnde dat bevaren vnde by(n)nen den teyn iare(n) schal nȝmant zeden den ze beyde mȝt / twen pa(n)nen vn(de) dat zold scholen ze vorkope(n) by lasten by halue(n) by schyppu(n)den by haluen / vnde by tu(n)nen vn(de) anders nȝcht vn(de) wen de teyn jar v̄mme ko(m)men synt So schal dar / nȝmand negher wezen tũ hũrende de sceden vnde hus wen zee eft wy ze vor hũren / willen v̄mme zo vele alzo ze ghelden moghen vnde wen de teyn iar v̄mme kome(n) Js id / dat de hus vorkoft werden wes ze mer ghelden wen . l . m(ar)k dat scholen de ma(n)ne vorb(e)n(omed) /hebben vnde vnzer eyen schal deme and(er)en holden teyn iar v̄mme [scr(iptum) salto(?) an(?) rem(ini)sc(er)e]